

671.3143
078
16

柘
城
縣
志

柘城縣志卷九

藝文志四

傳

題跋

詩

賦

傳

三國魏

梁習列傳

陳壽

梁習字子虞陳郡柘人也爲郡綱紀太祖爲司空辟召爲漳長果轉乘氏海西下邳令所在有治還爲西曹令史遷爲屬并土新附習以別部司馬領并州刺史時承高幹荒亂之餘戎狄在界張雄跋扈吏民亡叛入其部

傳

落兵家擁衆作爲寇害更相扇動往往某時習到官誘
喻招納皆禮召其豪右稍稍薦舉使詣募府豪右已盡
乃次發諸丁彊以爲義從又因大軍出征分請以爲勇
力吏兵已去之後稍移其家前後送鄴凡數萬口其不
從命者興兵致討斬首千數降附者萬計單于恭順名
王稽顙部曲服事供職同於編戶邊境肅清百姓布野
勤勸農桑令行禁止貢達名士咸顯於世語在常林傳
太祖嘉之賜爵關內侯更拜爲真長老稱詠以爲白所
聞識刺史未有及習者建安十八年州并屬冀州更拜

議郎西部都督從事統屬冀州總故部曲又使於上黨
取大材供鄴宮室習表置屯田都尉二人領客六百夫
於道次耕種菽粟以給人牛之費後單于入侍西北無
虞習之績也文帝踐阼復置并州復爲刺史進封申門
亭侯邑百戶政治常爲天下最太和二年徵拜大司農
習在州二十餘年而居處貧窮無方面珍物明帝異之
禮賜甚厚四年薨子施嗣初濟陰王思與習俱爲西曹
令史思因直日白事失太祖指太祖大怒教召主者將
加重辟時思近出習代往對已被收執矣思乃馳還自

陳已罪罪應受死太祖歎習之不言思之識分曰何意
吾軍中有二義士乎後同時擢爲刺史

元

陳思濟列傳

元史

陳思濟字濟民柘城人也幼讀書即曉大義以才器見
稱於時輩間世祖在潛邸聞其名召之以備顧問既即
位始建省部俾掌敷奏世祖以京兆爲國重鎮命廉希
憲等行中書省於陝西思濟實與偕行多所贊畫中統
三年詔誅王文統召廉希憲入中書思濟還仍掌敷奏

事無巨細悉就準繩姚樞訐衡皆器重之會阿合馬入省恥其位在希憲左每欲肆意而行希憲守正不從及希憲去位省臣晨集掾屬皆憚阿合馬莫敢前思濟獨先以文牘進阿合馬輒於希憲位署押思濟遽掩以手曰此非君相署位也阿合馬怒目視之衆爲之懼思濟神色自若除右司都事從希憲行省山東未幾召還至元五年分命中書省總百揆御史臺正百官一時黜陟登庸憲章程式多出其手遷承務郎同知高唐州事以績最聞拜監察御史時阿合馬立尚書省權在中書右

思濟與魏初等劾其不法帝命近臣正之御史各以次對思濟獨厲聲曰御史言官也非爲辨訟設拂袖而出授奉訓大夫知沁州爲政簡要不務苛察遷中順大夫同知紹興路總管府事承檄讞獄桐廬有囚羸瘠將死縱遣還家候期來決囚拜請曰聞公名久矣若不早決恐終不可保爲閱其案而釋之轉同知兩浙都轉運司事胥吏侵漁民困於賦役悉蠲除之調陝西漢中道提刑按察副使丁母憂去官二十三年加少中大夫同知浙東道宣慰司事時浙西大水民飢浙東倉廩殷實即

轉輸以賑之全活者衆檄上中書奏允之浙東復旱禱
於名山雨大澍民賴以甦兩淮鹽課不敷授嘉議大夫
兩淮都轉運使奸弊盡革商賈通行歲課以足擢嶺北
湖南道肅政廉訪使改池州路總管江浙行省平章也
速答兒威勢赫然摘淘金戶三千括民間田畝檄下力
上章以止之累遷通議大夫僉河南江北等處行中書
省事大德五年冬以疾卒年七十贈正議大夫吏部尙
書上輕車都尉追封潁川郡使諡文肅子誠襲蔭入官
拜監察御史朝列大夫僉廣西道肅政廉訪司事

明

陳聞詩列傳

明史

陳聞詩字庭訓柘城人嘉靖中舉於鄉以親老絕意仕進親歿居喪哀毀三十二年秋賊師尙詔陷歸德聞聞詩名欲劫爲帥已陷柘城擁之至誘說百端不屈引其家數人斬之曰不從滅而族聞詩給曰必欲吾行毋殺人毋縱火賊許諾擁以行聞詩遂不食至鹿邑自經死詔贈鳳陽同知立祠死所

周文學傳

文翔鳳

三水人

周鳴珂字文玉柘城人也父爲清泉先生戊戌令三水爲政精密嚴恕動循理不過語及文玉輒濟濟不能伸眉而曰不惜而才惜而孝而節也母軒多女而文玉最晚出美姿章不善爲諸小兒戲而固好誦古詩十四爲弟子員視學李公道柘張樂導入庠觀者以爲華文玉善屬文且善古文辭善楷書書時則傍甚譁弗誤也詣給事喬印印與論天下事亟稱爲蚤長者自謂弗如諸試試輒前二十薦賢良文學非其好也公強之北游固以養辭安能爲一選遠違公讓之乃果行而軒固素痰

重念君不解曰兒其賦陟屺耶而竟斃凶魚至至再絕
甦曰兒不孝兒不能謝升斗而憂母兒以升斗游爲母
憂而使母死不瞑兒負吾母安用是不孝兒生歸弗堪
號令君亦號且弗堪懼憂令君公強起進卮酒召父執
與父弈而時侍燭故作安健狀然瘠病不止大痰瀉公
憂之固自解曰兒少易平天不虛吾兒一日匡襟領從
容刺刺爲訣語神爽然不可起矣年纔二十三嗟乎鈞
溘死哉而文玉以母死初文玉兒時果蔬不薦王母若
父母不取嘗直指試給金市布爲王母壽而以所簪花

上大人薦諸祠王母不諱輒與大人同苦粥事庶兄最
謹性儉遭里之輕肥瞋弗視不善事有司非公不通刺
卽公所辭愕愕不少曲其操誼如此卒之日輓歌累卷
軸嗟此所以爲文王耶或曰寄瓦礫經年不責償寶玉
寄人取不越宿周殆寶玉寄輒取之者歟文翔鳳曰弗
乎弗乎余不敢談天道矣文玉不年而又不子夫海公
瑞爲真御史南海人爲余言公亦不子知仁不後亦有
之不閏焉不歲若海與文王者殆閏乎殆閏乎世遂疑
於報而不滋德惑與文王死則死耳抱明珠以歸九泉

使天終無知安有修文吾懼人之以文玉口實也

杜諫議傳

張繹 邑令

杜齊芳字元韓號雲槃幼與其兄齊名並重於時爲人

清剛高警有忠孝大節兄早逝待諸姪如子先經其田

宅而後自置遠邇敦友于者皆以公爲法舉萬厯己未

進士初授平陽府推官其地多夷落叛服不常公嚴覈

虛實約身束下釐弊剔冗諭以朝廷威德邊人帖服進

貢如故蒲坂巨寇據砦作亂勢張甚公出奇計破之程

期擒獲無一漏網者時繡衣徐卿伯作傳紀其事復同

中丞劉公上其功於朝行取至京授刑科給事中首擊
大璫魏忠賢并及其黨禍幾不測落職而歸思陵即位
起先朝言事諸臣公以特恩拔置刑垣都諫當是時天
下爭觀其風采陽羨爲相公劾之陽羨恚甚下之大理
欲置重典會天變思陵親禱公同易應昌等五人同赦
應時大雨得改戍公荷戈出都門意宴如也後遇赦歸
里與邑令馬公議修甌城捐金五百糧二百石有奇工
竣屹然保障邑人賴焉值歲大祲公發粟賑之全活者
數千人會思陵諭部臣密察閒廢連疏起公公不赴居

鄉十餘年風格高整不妄交游惟與同里侍御王公觴咏相娛商訂經史若東萊龍川之相得也生平嗜書手不釋卷興至揮毫泐泐數千言風雨集而江波流觀者皆咋舌以爲天上謫僊所著有飛蓬吟菽麥辯姑妄言草年五十七卒於家邑人垂涕焉稱之曰義惠先生庚辰以紳衿公舉特祀於學宮子三行恕行素行醕皆好學有文采行恕以辛卯舉於鄉

論曰余少游梁宋之墟蓋數聞杜諫議云其人矯矯風節無世俗渙忍態既立諫垣慷慨言事以天下爲己任

居然有古大臣風然不留諫草故人罕知其詳是以知其首劾逆璫而不知其繼彈陽羨知其孝友過人而不知其經略官代知其直節嶙峋而不知其藻采繽紛余讀其詩賦古文辭清麗芊眠不作郊寒島瘦語以爲宋廣平之流至其德洽里落惠動鄉曲歿後以義惠易名非大賢孰能當此者乎昔太邱歿而諡爲文範河汾歿而諡爲文中橫渠歿而諡爲誠明則柝人之以義惠諡諫議也良有以夫

國朝

李涵白傳

毛奇齡

蕭山人

公諱榮字涵白號鞠旃柘人也少有異才歲丁卯年二十五登賢書成孝廉故明之季也登科者輒侈然放以爲非士也營私計上公府公曰孝廉義何居乎固漢以舉士之科從其實而命之者也今襲其名而制已異矣顧若以爲職然而以荒其業窳其趨何歟吾恥之吾屏跡矣於西墅築小圃植將離梅竹自灌蒔讀書其中也居無何寇興不可居公市無宅邑令馬公爲營第一區迂公入實其友王公鳳臺經理之而公弗之知也其友